

Bro 2030

Cymunedau Cryf â
Dyfodol Disglair

Mae Bro 2030 yn gynllun pum mlynedd uchelgeisiol a chyffrous ar gyfer newid. Drwy weithio gyda'n cymunedau a'n partneriaid i gyflawni ein pum amcan, rydym yn hyderus y bydd gennym gymunedau cryfach gyda dyfodol mwy disglair.

Amcan
Lles

1



Creu lleoedd gwych i fyw, gweithio ac ymweld

► Beth fyddwn ni'n ei wneud – ein gweithredoedd

Byddwn yn parhau i weithio gyda thrigolion, busnesau a chymunedau ehangach ar greu lleoedd a manteisio i'r eithaf ar y cyfleoedd sydd ar gael o fuddsoddiad ac adfywio. Hefyd, byddwn yn cyflwyno Cynllun Datblygu Lleol Newydd. Byddwn yn sicrhau bod cartrefi hygyrch a fforddiadwy i'r rhai sydd eu hangen a byddwn yn gwneud y defnydd gorau o gyllid a gwahanol opsiynau ar gyfer gweithgareddau a gwasanaethau hamdden, celfyddydau a diwylliannol.

► Beth fydd hyn yn ei olygu – beth fyddwn ni'n ei gyflawni

Bydd pobl yn y Fro yn teimlo'n fwy cysylltiedig, yn ddiogel ac yn falch o'u cymunedau ac yn cael mynediad at dai, gwasanaethau a chyfleusterau o safon. Bydd mwy o gyflogaeth leol, busnesau cryf, a pherthnasoedd gwaith da rhwng y Cyngor a chyrrff arall, gan gynnig cyfleoedd ar gyfer ffyrdd iachach o fyw, profiadau diwylliannol, a gwirfoddoli.

Amcan
Lles

2



Parchu a Dathlu'r Amgylchedd

► Beth fyddwn ni'n ei wneud – ein gweithredoedd

Byddwn yn lleihau ein hallyriadau carbon ac yn cefnogi eraill i wneud yr un peth. Byddwn yn codi ymwybyddiaeth am bwysigrwydd diogelu'r amgylchedd ac yn canolbwyntio ar y newidiadau sydd eu hangen ar sut rydym yn teithio, yr ynni a ddefnyddiwn, y gwastraff rydym yn ei greu a'n bwyd. Byddwn yn helpu i ddiogelu ein cymunedau, ein tir a'n hadeiladau rhag effaith llifogydd ac erydu arfordirol.

► Beth fydd hyn yn ei olygu – beth fyddwn ni'n ei gyflawni

Bydd Bro Morgannwg yn lle glân, gwyrdd a chynaliadwy lle mae'r Cyngor yn arwain ymdrechion i fynd i'r afael ag argyfyngau hinsawdd a natur. Bydd pawb yn helpu. Bydd pobl yn mwynhau cartrefi, ysgolion a chyfleusterau'r Cyngor sy'n effeithlon o ran ynni, yn ogystal â pharciau a gynhelir yn dda a mannau gwyrdd. Bydd cyfraddau ailgylchu ymhlith y gorau yng Nghymru, a bydd lefelau gwastraff yn cael eu lleihau. Trafndiaeth gynaliadwy fydd y norm. Bydd mwy pobl yn teithio yn gynaliadwy. Ein nod yw dod yn sefydliad sero net erbyn 2030 a helpu'r wlad i gyrraedd sero net erbyn 2050.

Amcan Lles | 3



Rhoi Dechrau Da Mewn Bywyd i Bawb

► Beth fyddwn ni'n ei wneud – ein gweithredoedd

Byddwn yn cefnogi plant a theuluoedd o blentyndod cynnar i fyw bywydau hyderus ac iach. Gan weithio mewn partneriaeth byddwn yn cynnig yr help sydd ei angen ac ysgolion bro. Byddwn yn gwella presenoldeb ysgol, canlyniadau dysgwyr, ac yn cefnogi gwell lechyd Cymdeithasol, Emosiynol a Meddyliol. Bydd y rhai sydd ag Anghenion Dysgu Ychwanegol yn cael eu cymorth yn lleol ac yn eu dewis iaith. Byddwn hefyd yn cynnig gwybodaeth a gwasanaethau drwy ein llyfrgelloedd a'n timau Chwarae ac yn darparu gweithgareddau i mewn ac allan o'r ysgol ar gyfer dysgu a hwyl.

► Beth fydd hyn yn ei olygu – beth fyddwn ni'n ei gyflawni

Bydd llai o blant yn y Fro yn byw mewn tlodi, a bydd eu hiechyd a'u lles yn gwella. Bydd teuluoedd yn cael eu cefnogi'n well i aros gyda'i gilydd lle mae'n ddiogel gwneud hynny, gyda rhieni a gofalwyr yn cael mynediad at gyngor a chymorth blynyddoedd cynnar am ddim. Bydd ysgolion yn gweithredu fel hybiau ar gyfer eu cymunedau a phobl ifanc yn teimlo eu bod yn cymryd rhan ac yn cael llais mewn penderfyniadau sy'n bwysig iddyn nhw.

Amcan Lles | 4



Cefnogi ac Amddiffyn y Rhai sydd ein hangen

► Beth fyddwn ni'n ei wneud – ein gweithredoedd

Byddwn yn sicrhau y gall preswylwyr sydd angen cymorth ychwanegol gael mynediad ato, gweithio ar draws gwasanaethau gofal cymdeithasol, tai a gwasanaethau iechyd i fod yn fwy cydgysylltiedig â'n gwasanaethau. Byddwn yn gweithio mewn partneriaeth i atal a mynd i'r afael â thlodi, gan ddarparu gwasanaethau a chymorth i helpu pobl cyn iddynt wynebu argyfwng.

► Beth fydd hyn yn ei olygu – beth fyddwn ni'n ei gyflawni

Bydd pobl yn gallu cael mynediad at y gwasanaethau a'r cymorth sydd eu hangen arnynt yn agos at eu cartrefi. Bydd gofalwyr yn teimlo eu bod yn cael eu gwerthfawrogi, a bydd pobl yn byw'n annibynnol yn eu cartrefi eu hunain am fwy o amser, gan fwynhau gwell ansawdd bywyd, tra bydd lefelau digartrefedd ac unigrwydd yn lleihau. Bydd angen i lai o blant fynd i mewn i ofal, a bydd canlyniadau i blant mewn gofal yn gwella. Bydd gan bawb fynediad at fwyd iach o ansawdd da bob dydd.

Amcan Lles | 5



Bod y Cyngor Gorau y Gallwn Fod

► Beth fyddwn ni'n ei wneud – ein gweithredoedd

Byddwn yn darparu gwasanaethau o safon ac yn parhau i wella sut rydym yn gweithio drwy ddod o hyd i ffyrdd newydd o wneud pethau er gwaethaf heriau ariannol. Byddwn yn rhoi mwy o gyfleoedd i bobl lunio gwasanaethau ac i ddeall sut a pham y gwneir penderfyniadau. Trwy fuddsoddi mewn technoleg, ein hadeiladau a'n gweithlu, byddwn yn parhau i wella sut y darperir gwasanaethau.

► Beth fydd hyn yn ei olygu – beth fyddwn ni'n ei gyflawni

Bydd y Cyngor yn sefydliad sy'n canolbwyntio ar y cwsmer, gan ddarparu gwasanaethau sy'n bodloni anghenion preswylwyr yn y ffordd sy'n hygyrch iddynt. Bydd pobl yn teimlo bod rhywun yn gwrando arnynt ac yn deall rôl a phrosesau gwneud penderfyniadau'r Cyngor yn well ac yn hyderus bod y Cyngor yn darparu gwasanaethau o ansawdd uchel a gwerth da am arian.

Bro 2030

Cymunedau Cryf â Dyfodol Disglair